

5. fl.: Gjald 1%:

Sjávarafli, lagður á land á hafnarsvæðinu, til vinnslu eða brottflutnings. Gjaldið reiknast af heildarverðmæti aflans. Kaupanda aflans ber að afhenda hafnarstjóra skýrslu um keyptan afla mánaðarlega t. d. afrit af aflaskýrslu til Fiskifélags Íslands. Aflagjald fellur í gjalddaga, um leið og afla er landað. Kaupandi aflans innheimtir gjaldið hjá seljanda og er ábyrgur fyrir því til hafnarsjóðs, þótt hann vanræki innheimtu þess. Standa ber skil á greiðslu aflagjalds eigi sjaldnar en mánaðarlega.

Lágmarksgjald af öllum flokkum er kr. 20.00.

Reglugerð þessi, sem sett er samkvæmt hafnalögum, nr. 48 29. apríl 1967, staðfestist hér með til að öðlast þegar gildi og birtist til eftirbreytni öllum þeim, sem hlut eiga að máli.

Samgönguráðuneytið, 5. október 1972.

Hannibal Valdimarsson.

Kristinn Gunnarsson.

5. október 1972.

Nr. 276.

REGLUGERÐ

**um breytingu á hafnarreglugerð fyrir Hafnarkauptún
í Hornafirði nr. 65 10. marz 1970.**

1. gr.

36. grein orðist þannig:

Lestargjöld.

- a. Skip heimilisföst í Hafnarkauptúni skulu greiða lestargjald einu sinni á ári, kr. 70.00 af hverri brúttórúmllest, þó eigi minna en kr. 1000.00 á ári. Opnir bátar skulu greiða kr. 400.00 á ári.
- b. Aðkomuskip, sem hafa viðlegupláss frá Hafnarkauptúni, skulu greiða lestargjald kr. 10.00 af brúttórúmllest fyrir hvern mánuð eða hluta úr mánuði.
- c. Öll önnur skip skulu greiða kr. 3.00 af hverri brúttórúmllest, nema strandferðaskip, sem sigla eftir fastri áætlun, greiði kr. 1.50 af brúttórúmllest.

2. gr.

37. grein orðist þannig:

Bryggjugjöld.

- a. Öll skip, sem leggjast að bryggju, eða skip, sem við hana liggur, skulu greiða kr. 1.50 af hverri brúttórúmllest fyrir hvern sólarhring eða hluta úr sólarhring.
- b. Fiskiskip 10—399 brúttórúmllestir greiði gjald þetta eigi oftari en tíu sinnum á mánuði, en bátar minni en 10 brúttórúmllestir greiði ekkert bryggjugjald. Heimilt er að taka lestar- og bryggjugjald af fiskiskipum minni en 400 brúttórúmllestir sem árgjald í heimahöfn kr. 162.00 af hverri brúttórúmllest.
- c. Bryggjueigendur greiða ekki bryggjugjöld af sínum eigin fiskiskipum.
- d. Fyrir sérstaka notkun á hafnarbryggjum og uppfyllingum, svo sem aðgerð, síldarsóltun o. fl. skal greiða gjald, sem hafnarnefnd ákveður hverju sinni.

3. gr.

38. grein orðist þannig:

Vatnsgjald.

Fyrir vatn til skipa greiðist gjald, sem hreppsnefnd ákveður.

4. gr.

39. grein orðist þannig:

Hafnsögugjöld.

Öll skip, sem til hafnarinnar koma og nota hafnsögumann, skulu greiða hafnsögugjald sem hér greinir.

- a. Við komu skips til hafnarinnar kr. 500.00 fyrir hvert skip og auk þess gjald kr. 1.30 fyrir hverja brúttórúmllest.
- b. Við brottför frá höfninni kr. 380.00 fyrir hvert skip og auk þess kr. 0.90 fyrir hverja brúttórúmllest.
- c. Fyrir leiðsögu um höfnina kr. 360.00 fyrir hvert skip og auk þess kr. 0.40 fyrir brúttórúmllest.
- d. Fyrir að vera úti í skipum skal greiða kr. 3000.00 fyrir hvern sólarhring, þar til hafnsögumaður er kominn heim. Sama gjald greiðist, ef hafnsögumaður þarf að fara með skipinu til annarra hafna. Auk þess greiðist ferðakostnaður heim.
- e. Skip, sem ekki eru skráð í Hafnarkauptúni, en sigla eftir föstum áætlunum, skulu því aðeins greiða hafnsögugjald, að þau noti hafnsögumann.

5. gr.

40. grein orðist þannig:

Vörugjöld.

Vörugjald skal greiða af öllum vörum, svo og skepnum, sem fluttar eru á land eða úr landi, eða úr einu skipi í annað, innan hafnarinnar, með þeim undantekningum er síðar getur.

6. gr.

41. grein orðist þannig:

Ef vörur samkvæmt farmskrá skips eiga að fara til annarra hafna, en látnar eru á land um stundarsakir, skal aðeins greiða vörugjald, þegar vörurnar eru látnar í land.

7. gr.

42. grein orðist þannig:

Undanþegnar vörugjaldi eru þessar vörur:

- a. Vörur, sem látnar eru á land um stundarsakir vegna skemmda á skipi.
- b. Vistir og aðrar nauðsynjar skipa til eigin notkunar, sem fluttar eru úr landi.
- c. Póstur og farangur ferðamanna.
- d. Vörur og tæki til hafnarinnar.

8. gr.

43. grein orðist þannig:

Vörugjald skal reikna eftir máli eða þyngd með umbúðum. Brot úr gjaldeiningu telst sem heil. Fara skal eftir farmskrá skips við útreikning vörugjalds, og er skipstjóra eða skipaafgreiðslu skylt að láta starfsmönnum eða skrifstofu hafnarinnar í té eftirrit af farmskrá skipsins, áður en ferming eða afferming hefst.

Sé engin farmskrá, skal skipstjóri gefa drengskaparvottorð um vörumagnið, sem skip hans hefur fermt eða affermt. Þyki ástæða til, getur hafnarnefndin hvenær

sem er látið ákveða vörumagnið á þann hátt, sem hún telur hentugast. Reynist vörumagnið meira en upp var gefið, greiðir skipið kostnaðinn.

Ef ýmsar vörutegundir eru í sömu umbúðum og heri farmskrá ekki með sér greinilega sundurliðun, skal reikna vörugjald eftir þeirri tegund vöru, sem hæst gjald er af.

9. gr.

44. grein orðist þannig:

Vörur skal flokka til vörugjalds eftir því, sem vörugjaldskrá tiltekur og greiðist gjald eins og þar segir.

Ef vafi leikur á því, í hvaða flokki skuli telja vöru, skal sveitarstjóri skera úr, en úrskurði hans má áfrýja til hafnarnefndar.

10. gr.

45. grein orðist þannig:

Vörugjaldskrá.

1. flokkur: Gjald kr. 70.00 pr. tonn:
Kol, salt, sement, ís, kornvara og sykur í sekkjum og pökkum, fóður-
vörur, áburður, garðávextir, mjólk, olíur, benzín í lausu máli og
tunnum.
2. flokkur: Gjald kr. 100.00 pr. tonn:
Sjávarafurðir, landbúnaðarvörur, byggingavörur, girðingarefni, útgerð-
arvörur, umbúðir um fisk og efni til miðstöðva og raflagna, vatnspípur,
smíðajárn, málningarvörur, smurningsolíur í litlum pakkningum.
3. flokkur: Gjald kr. 250.00 pr. tonn:
Nýlenduvörur og matvara, hreinlætisvörur, búsaðhöld, vefnaðarvara,
bifreiðir, vélknúin tæki og varahlutir til véla.
4. flokkur: Gjald kr. 350.00 pr. tonn:
Sælgæti, öl, gosdrykkir, hljóðfæri, sportvörur og allar aðrar vörur sem
gjald reiknast af eftir þyngd.
5. flokkur: Gjald kr. 80.00 pr. rúmmeter:
Timbur, korkur og önnur einangrunarefni, húsgögn og allar aðrar vör-
ur, sem gjald reiknast af eftir rúmmáli.
6. flokkur: Gjald kr. 6.00 hvert stykki:
Tómar tunnur, ölkassar, goskútar og mjólkurbrúsar.
7. flokkur: Aflagjald 1%:
Miðað við skiptaverð aflans, lagður á land til vinnslu eða verkunar.
Kaupandi, vinnsluaðili eða verkandi aflans innheimtir gjaldið hjá inn-
leggjanda og er ábyrgur fyrir því til hafnarsjóðs, þótt hann vanræki
innheimtu þess hjá innleggjanda.

Minnsta gjald í öllum flokkum er kr. 3.00.

Reglugerð þessi, sem sett er samkvæmt hafnalögum, nr. 48 29. apríl 1967, stað-
festist hér með til að öðlast þegar gildi og birtist til eftirbreytni öllum þeim, sem
hlut eiga að máli.

Samgönguráðuneytið, 5. október 1972.

Hannibal Valdimarsson.

Kristinn Gunnarsson.